



Ciorclán 0062/2020

**Chuíg: Údaráis Bhainisteoireachta na mBunscoileanna, na Meánscoileanna, na  
bPobalscoileanna agus na Scoileanna  
Cuimsitheacha Aitheanta  
agus  
Príomhfheidhmeannaigh na mBord Oideachais agus Oiliúna**

**Athbhreithniú Tuarastal na foirne uile a íoctar go díreach ag scoil aitheanta nó bord  
oideachais agus oiliúna le héifeacht ón 1 Deireadh Fómhair 2020**

1. Is mian leis an Aire Oideachais agus Scileanna a chur in iúl d'údaráis bhainistíochta agus do phríomhfheidhmeannaigh na mbord oideachais agus oiliúna go gcuirfear méaduithe ar thuarastal i bhfeidhm le héifeacht ón 1 Deireadh Fómhair 2020.
2. Tugadh na rátaí athbhreithnithe tuarastail isteach mar thoradh ar Chomhaontú Cobhsaíochta na Seirbhíse Poiblí 2013 – 2020 agus ar an Acht um Pá agus Pinsin Seirbhíse Poiblí, 2017.

**Méadú Tuarastail le héifeacht ón 1 Deireadh Fómhair 2020**

3. Déanfar tuarastail bhliantúlaithe a mhéadú de 2% le héifeacht ón 1 Deireadh Fómhair 2020.

**Catagóirí na mball foirne a ndéantar difear dóibh**

4. Aon fhoireann atá fostaithe i scoil aitheanta nó i mbord oideachais agus oiliúna atá sna catagóirí seo a leanas:
  - Teagascóirí (Seirbhís Litearthachta, Oideachas Pobail agus Aosach, srl.);
  - Foireann neamhtheagaisc i dTionscadail Chomhchaidrimh don Aos Óg;
  - Coimhdírí Bus Iompar Scoile;
  - Aon fhoireann eile atá fostaithe go díreach ag scoil aitheanta nó ag bord oideachais agus oiliúna a bhí cuimsithe faoi Chiorclán 70/2010 (ach amháin Rúnaithe, Airígh agus Glantóirí deontas-mhaoinithe atá cuimsithe faoi Chiorcláin 0074/2019 agus 0075/2019).
5. Tá sé tábhachtach a mhíniú go sainmhínítear foireann atá fostaithe ag scoileanna aitheanta nó ag boird oideachais agus oiliúna agus a ndéanann se seo difear dóibh mar 'sheirbhísigh phoiblí' do chuspóirí na reachtaíochta seo agus chuige sin amháin agus ní athraíonn sé a stádas fostaíochta in aon slí eile.

## **Rialuithe Breisithe i dtaca le Téarmaí agus Coinníollacha Fostaíochta a Comhaontaíodh le héifeacht ón 30 Samhain 2015**

6. Meabhraítear d'fhostóirí gur leasaíodh an tAcht Airí agus Rúnaithe (Leasú), 2011, faoin Acht um Bearta Airgeadais Éigeandála ar Mhaithe le Leas an Phobail 2015 chun rialuithe feabhsaithe a thabhairt isteach i dtaca le téarmaí agus coinníollacha fostaíochta a comhaontaíodh idir seirbhísigh phoiblí agus a bhfostóirí is comhlachtaí seirbhíse poiblí le héifeacht ón 30 Samhain 2015. Tá na hailt ábhartha den Acht leagtha amach in Aguisín 1. Déileálfar le ró-íocaíochtaí de réir na nósanna imeachta atá leagtha amach i gCiorclán 0084/2015 nó 0032/2016 i gcás na foirne atá fostaithe ag BOOnna.

### **Baill foirne pháirtaimseartha/baill foirne a íoctar in aghaidh na huaire**

7. Féadfar pá na mball foirne páirtaimseartha nó na mball foirne a íoctar in aghaidh na huaire a athbhreithniú, de réir gnáthshocruithe, trí thagairt a dhéanamh do phá na mball foirne lánaimseartha lena mbaineann siad chun críocha pá de réir an Chiorcláin seo.

### **Ragobair**

8. Ba cheart íocaíochtaí a bhaineann le ragobair a chuirfear i gcrích ón 1 Deireadh Fómhair 2020 a ríomh trí thagairt a dhéanamh do na rátaí athbhreithnithe pá a mbeidh éifeacht leo ón 1 Deireadh Fómhair 2020.

### **Scaipeadh agus Ceisteanna**

8. Cinntigh go dtabharfar cóipeanna den Chiorclán seo do gach comhalta den Bhord Bainistíochta agus go dtarraingeofar aird na mball foirne uile lena mbaineann ar a bhfuil ann, lena n-áirítear iad sin atá as láthair le cead.
9. Is féidir teacht ar an gCiorclán seo ar shuíomh Gréasáin na Roinne ag [www.education.ie](http://www.education.ie)
10. Ba chóir ceisteanna faoin gCiorclán seo a chur i ríomhphost chuig [financialetb@education.gov.ie](mailto:financialetb@education.gov.ie)

Martina Mannion  
Príomhoifigeach  
Pearsanta Airgeadais/Riaracháin BOO  
16 Meán Fómhair 2020

Tara Carton  
Príomhoifigeach  
Caidreamh Seachtrach Foirne

## **AGUISÍN 1**

### **Alt 12 den Acht um Bearta Airgeadais Éigeandála ar Mhaithe le Leas an Phobail 2015**

Leasú ar an Acht Airí agus Rúnaithe (Leasú), 2011

Leasaítear an tAcht Airí agus Rúnaithe (Leasú), 2011, tríd an alt seo a leanas a chur isteach tar éis alt 16:

“Téarmaí agus coinníollacha seirbhíseach poiblí a rialú

16A. (1) I gcás—

(a) ina ndéanfaidh an tAire téarma nó coinníoll a cheadú mar théarma nó coinníoll a mbeidh feidhm aige de thuras na huairé i leith fhostaíocht aon aicme nó aon chatagóir de sheirbhíseach poiblí (cibé acu a bheidh an ceadú sin i bhfoirm ceadaithe, i bhfoirm aon chineál eile ceada nó i bhfoirm toiliú a bheidh á thabhairt ag an Aire le haghaidh cinneadh ó dhuine eile san ábhar), agus

b) go rachfar isteach i gconradh fostaíochta i leith seirbhíseach poiblí a thagann faoin aicme nó faoin gcatagóir sin, ar conradh é ina bhfuil téarma nó coinníoll a chomhfhreagraíonn don téarma nó don choinníoll arna cheadú, nó atá coibhíseach leis an téarma nó leis an gcoinníoll arna cheadú, ach atá níos fabhraí don seirbhíseach poiblí ná an téarma nó an coinníoll sin,

beidh feidhm ag an gconradh amhail is dá ndéanfaí an téarma nó an coinníoll arna cheadú (dá dtagraítear ‘an téarma nó an coinníoll ceadaithe’ i bhfo-ailt (2) agus (3)) a chur in ionad an téarma nó an choinníll chéadluaite i mír (b) (dá dtagraítear ‘an téarma nó an coinníoll neamhceadaithe’ i bhfo-ailt (2) agus (3)).

(2) Aon mhéid a íocfar leis an seirbhíseach poiblí lena mbaineann i gcomhlíonadh airbheartaithe an téarma nó an choinníll neamhceadaithe ar mó é ná an méid is iníoctha leis an seirbhíseach poiblí faoin téarma nó faoin gcoinníoll ceadaithe, tabharfar neamhaird air chun críocha aon teideal pinsin (lena n-áirítear teideal i leith cnapshuime nó teideal i leith

íocaíochtaí tréimhsiúla pinsin) atá ag an seirbhíseach poiblí sin a ríomh.

(3) I gcás go n-íocfar méid leis an seirbhíseach poiblí lena mbaineann i gcomhlíonadh airbheartaithe an téarma nó an choinníll neamhceadaithe ar mó é ná an méid is iníoctha leis an seirbhíseach poiblí faoin téarma nó faoin gcoinníoll ceadaithe—

(a) sealbhóidh an seirbhíseach poiblí an ró-íocaíocht ar iontaobhas don chomhlacht seirbhíseach poiblí, agus

(b) gnóthóidh an comhlacht seirbhíseach poiblí méid na ró-íocaíochta ón seirbhíseach poiblí, go díreach nó trí asbhaint arna tógáil as an luach saothair is iníoctha ina dhiaidh sin leis an seirbhíseach poiblí nó ar shlí eile

(4) I gcás—

(a) go rachfar isteach i gconradh fostaíochta i leith seirbhíseach poiblí, agus

(b) go mbeidh sa chonradh téarma nó coinníoll i dtaca le luach saothair nach

gcomhfhreagraíonn d'aon téarma nó d'aon choinníoll arna cheadú ag an Aire, nó nach bhfuil coibhéiseach le haon téarma nó le haon choinníoll arna cheadú ag an Aire, i leith fhostaíocht aon aicme nó aon chatagóire de sheirbhíseach poiblí faoina dtagann an seirbhíseach poiblí céadluaite (cibé acu a bheidh an ceadú sin i bhfoirm ceadaithe, i bhfoirm aon chineáil eile cheada nó i bhfoirm toiliú a bheith á thabhairt ag an Aire le haghaidh cinneadh ó dhuine eile sa ní), neamhneofar an téarma nó an coinníoll.

(5) Aon méid a íocfar leis an seirbhíseach poiblí lena mbaineann i gcomhlíonadh airbheartaithe aon téarma nó aon choinníll a neamhneofar faoi fho-alt (4), tabharfar neamhaird air chun críocha aon teideal pinsin (lena n-áirítear teideal i leith cnapshuime nó teideal

i leith íocaíochtaí tréimhsiúla pinsin) atá ag an seirbhíseach poiblí sin a ríomh.

(6) I gcás go n-íocfar méid leis an seirbhíseach poiblí lena mbaineann i gcomhlíonadh airbheartaithe aon téarma nó aon choinníll a neamhneofar faoi fho-alt (4)—

(a) sealbhóidh an seirbhíseach poiblí an méid ar iontaobhas don chomhlacht seirbhíse poiblí, agus

(b) gnóthóidh an comhlacht seirbhíse poiblí an méid ón seirbhíseach poiblí, go díreach nó trí asbhaint arna tógáil as an luach saothair is iníoctha ina dhiaidh sin leis an seirbhíseach poiblí nó ar shlí eile.

(7) Ní mheasfar go ndéantar, le fo-ailt (3) agus (6), teorainn a chur le dliteanas aon duine faoi reacht cuntas a thabhairt sa ró-íocaíocht sin.

(8) I gcás nach bhfuil méid lena mbaineann fo-alt (3) nó (6) gnóthaithe ag an gcomhlacht seirbhíse poiblí lena mbaineann, féadfaidh an tAire a ordú i scríbhinn don chomhlacht sin an méid a ghnóthú de réir fho-alt (3)(b) nó (6)(b), de réir mar a bheidh, faoi dháta sonraithe agus, i gcás go mainneoidh an comhlacht sin an méid a ghnóthú amhlaidh, féadfaidh an tAire an méid a asbhaint as aon deontas nó vóta de chuid an chomhlachta sin, nó as aon íocaíocht eile leis, as airgead arna sholáthar go díreach nó go neamhdhíreach ag an Oireachtas nó as an bPríomh-Chiste nó as toradh fáis an Chiste sin

(9) Tá feidhm ag an alt seo maidir le téarma nó le coinníoll a chomhaontófar tar éis thosach feidhme alt 12 den Acht um Bearta Airgeadais Éigeandála ar Mhaithe le Leas an Phobail 2015.

(10) Tá éifeacht leis an alt seo d'ainneoin na nithe seo a leanas—

(a) aon achtachán eile,

(b) aon scéim pinsean nó aon socrú pinsean

(c) aon chomhaontú eile nó aon socrú conarthach eile, nó

(d) aon tuiscint, aon ionchas, aon chiorclán nó aon ionstraim nó aon doiciméad eile.

(11) San alt seo—

ciallaíonn “seirbhíseach poiblí” duine atá fostaithe ag comhlacht seirbhíse poiblí, nó a shealbhaíonn aon oifig nó aon phost eile i gcomhlacht seirbhíse poiblí;

ciallaíonn “luach saothair” díolaíochtaí lena mbaineann nó lenar bhain Caibidil 4 de Chuid 42 den Acht Comhdhlúite Cánacha, 1997.”.